

Situaziun da partenza

Il 19.03.2013 ha la Regenza grischuna relaschau la *Ordinaziun davart structuras dil di* che se basa sigl art. 97 dalla *Lescha da scola grischuna* e sigl art. 10 dalla *Lescha davart la promoziun dalla tgira d'affons complementara alla famiglia*. Quest reglament se basa sin l'ordinaziun numnada.

Tenor l'ordinaziun ei la scola obglidada d'erurir enteifer il davos quartal digl onn da scola il basegns. Quella enquista ha da succeder pér il mument ch'ils uraris da scola ein approvai, ils quals fuorman pils geniturs ina basa per decider tgei purschida che convegn.

Reglament da menaschi e tariffas

Art. 1 Basegns

Sche persunas cul dretg genitorial da silmeins 8 scolarAs s'annunzian per la medema unitad, sto la scola porscher il givischau, e quei duront g'entir onn da scola.

Art. 2 Las purschidas d'assistenza

Las structuras dil di cumpeglian las suandontas purschidas d'assistenza:

1 Porschida d'assistenza la damaun (Danis: 07:30 – 07:50 / Breil: 07:30 – 08:00)

La scola porscha la pusseivladad da far pensums cun surveglonza.

2 Porschida d'assistenza sur miezdi (11.30 – 13.25)

La scola porscha ina meisa da miezdi cun surveglonza naven dalla davosa lecziun digl avonmiezdi entochen las 13.15.

3 Porschida d'assistenza il suentermiezdi (13.30 – 18.00)

La scola porscha activitads survegladas adequatas als affons annunziai (p.ex. pusseivladad da far pensums, activitads sportivas, purschidas creativas etc.). Il program detagliau sedrezza tenor las annunzias e vegn communicaus all'entschatta digl onn da scola.

Art. 3 Annunzia per las structuras dil di

Il geniturs inoltreschan l'annunzia alla scola al termin indicau. Cun la sutscriziun dil formular d'annunzia per las structuras dil di ei l'annunzia ligionta, ed ils geniturs van d'accord cul reglament corrispudent inclusiv las tariffas. L'annunzia vala mintgamai per in onn da scola.

Art. 4 Exclusiun dad in affon

Sch'in affon manca pliras gadas senza perstgisa ni sche las pretensiuns educativas survargan las pusseivladads dil personal, vegn fixau in discuors culs geniturs. Dat ei negina migliur dil cumpurtament, sa la scola excluder la scolara/il scolar temporarmein u definitivamein dallas structuras dil di. In'exclusiun temporara deliberescha buca ils geniturs dils cuosts per las structuras dil di.

Tariffas / Regulaziun da pagament

Art. 5 Las tariffas

Ei vala las suandontas tariffas:

survesta da tariffas	cuosts per unitad	cuosts per affon duront in onn da scola en francs				
		1 di/j.	2 dis/j.	3 dis/j.	4 dis/j.	5 dis/j.
purschida d'assistenza la damaun (unitad 1)	5	195	390	585	780	975
temps da bloc (lecziuns digl avonmiezdi tenor urari)	gratuit					
purschida d'assistenza sur miezdi (inclus gentar) (unitad 2)	2	78	156	234	312	390
purschida d'assistenza il suentermiezdi (unitads 3a, 3b, 3c, 3d, 3e*)	7	273	546	819	1'092	1'365

*unitad 3a = 1. lecziun, unitad 3b = 2. lecziun, unitad 3c = 3. lecziun, unitad 3d = 4. lecziun, unitad 3e = 5. lecziun

Art. 6 Quen e pagament

Il cuosts pil diever dallas structuradas dil di vegnan tschentai a quen posteriuramein. Igl import vegn calculaus cun il diember effectiv dils dis da scola.

En cass d'absenza dat ei buca ina reducziun dil quen. Excepziuns ein cass da malsogna ed auters cass specials.

Il quen vegn tschentaus duas gadas enteifer igl onn da scola, numnadamein la fin december e la fin digl onn da scola.

Art. 7 General

1 Assicuranzas

Il purtader da scola ei responsabels per il menaschi dallas structuradas dil di. Quei munta ch'ils affons annunziai per las structuradas dil di ein segirai entras la segirada da scola (mira art. 52 dalla *Lescha da scola*).

2 Contact e comunicaziun


La persona da contact e da comunicaziun ei il menader da scola.

Art. 8 Approbaziun e vigur

Questa revisiun dil reglament ei vegnida approbada dalla Cumissiun da scola a caschun dalla sesida dils 6 da matg 2021, e remplazza la versiun dils 4 da settember 2019. Il reglament revediu entra en vigur cul'entschatta digl onn da scola 2021/22.


Danis, ils 6 da matg 2021

Il president



Roman Cathomas

Il menader da scola



Francestg Friberg